



ქალაქ ფოთის მუნიციპალიტეტის საკრებულო

განკარგულება № 1/78

202 / წლის 3 ღია მათხი

ქალაქი ფოთი

ქალაქ ფოთის მუნიციპალიტეტის საკრებულოს კომისიების წევრთა რაოდენობისა
და პროპორციული წარმომადგენლობის კვოტების განსაზღვრის შესახებ

საქართველოს ორგანულ კანონის „ადგილობრივ თვითმმართველობის კოდექსი“ 24-ე
მუხლის პირველი პუნქტის „ბ.დ“ ქვეპუნქტში შეტანილი ცვლილების (2021 წლის 19 ნოემბერი)
შესაბამისად, ახალარჩეული მუნიციპალიტეტის საკრებულოს პირველ სხდომაზე უნდა მოხდეს
მუნიციპალიტეტის საკრებულოს კომისიის წევრთა რაოდენობისა და პროპორციული
წარმომადგენლობის კვოტების განსაზღვრა და დამტკიცება, კომისიის შემადგენლობის ცნობად
მიღება.

ამასთავე, ამავე, კოდექსის 28-ე მუხლის მე-2 პუნქტში შეტანილის ცვლილების (2021
წლის 19 ნოემბერი) შესაბამისად, მუნიციპალიტეტის საკრებულოს კომისიის შემადგენლობა
განისაზღვრება კომისიებში მუნიციპალიტეტის საკრებულოს ფრაქციათა წარმომადგენლობისა
და მუნიციპალიტეტის საკრებულოს იმ წევრთა რაოდენობის პროპორციულად, რომლებიც
გაერთიანებული არ არიან არცერთ ფრაქციაში. მუნიციპალიტეტის საკრებულოს კომისიის
წევრთა რაოდენობასა და პროპორციული წარმომადგენლობის კვოტებს ახალარჩეული
მუნიციპალიტეტის საკრებულოს პირველ სხდომაზე განსაზღვრავს და ამტკიცებს
მუნიციპალიტეტის საკრებულო.

ქალაქ ფოთის მუნიციპალიტეტის საკრებულოს სამანდატო დროებითი კომისიის 2021
წლის 3 დეკემბრის №1/4 სხდომის ოქმის შესაბამისად, ქალაქ ფოთის მუნიციპალიტეტის
საკრებულო შედგება 35 წევრისგან, აქედან: 20 წევრი (57,14 პროცენტი) არის ფრაქცია
„ქართული ოცნება - დემოკრატიული საქართველოს“ წევრი, 11 წევრი (31,42 პროცენტი) –
ფრაქცია „ერთიანი ნაციონალური მოძრაობის“ წევრი, ხოლო 4 წევრი (11,42 პროცენტი) ფრაქცია
„ფოთი -საქართველოსთვის“ წევრი.

ამდენად, საკრებულოს სამანდატო დროებით კომისიას მიზანშეწონილად მიაჩნია
საკრებულოს კომისიების სრულფასოვნად ფუნქციონირების მიზნით განისაზღვროს
თითოეული კომისიის შემადგენლობა 10 წევრით, ხოლო ფრაქციების პროპორციული
წარმომადგენლობის კვოტები თითოეულ კომისიაში განისაზღვროს შემდეგნაირად:

- 1.ფრაქცია „ქართული ოცნება - დემოკრატიული საქართველოს“ – 6 კომისიის წევრი;
- 2.ფრაქცია „ერთიანი ნაციონალური მოძრაობა“ – 3 კომისიის წევრი;
- 3.ფრაქცია „ფოთი - საქართველოსთვის“ – 1 კომისიის წევრი;

აღნიშნულიდან გამომდინარე:

მუხლი 1.

- 1.ქალაქ ფოთის მუნიციპალიტეტის საკრებულოს კომისიების სრულფასოვნად ფუნქციონირების მიზნით განისაზღვროს თითოეული კომისიის შემადგენლობა 10 წევრით.
- 2.განისაზღვროს ქალაქ ფოთის მუნიციპალიტეტის საკრებულოს ფრაქციების პროპორციული წარმომადგენლობის კვოტები თითოეულ კომისიაში შემდეგნაირად:
- ა) ფრაქცია „ქართული ოცნება - დემოკრატიული საქართველოს“ – 6 კომისიის წევრი;
- ბ) ფრაქცია „ერთიანი ნაციონალური მოძრაობა“ – 3 კომისიის წევრი;
- გ) ფრაქცია „ფოთი - საქართველოსთვის“ – 1 კომისიის წევრი.
- 2.ცნობად იქნეს მიღებული საკითხი, იმის შესახებ, რომ საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის მე-2 პუნქტის შესაბამისად, ახალარჩეული მუნიციპალიტეტის საკრებულოს პირველ სხდომის შემდეგ, ქალაქ მუნიციპალიტეტის საკრებულოს კომისიების წევრთა რაოდენობასა და პროპორციული წარმომადგენლობის კვოტებს განსაზღვრავს იურიდიულ, სამანდატო, საპროცედურო საკითხთა და აეთიკის კომისია და ამტკიცებს საკრებულოს ბიურო.
- 3.აღნიშნულ განკარგულებასთან დაკავშირებით, შესაბამისმა პირებმა გაატარონ ღონისძიებები საქართველოს კანონმდებლობის შესაბამისად.

მუხლი 2.

საქართველოს ორგანული კანონის „ადგილობრივი თვითმმართველობის კოდექსი“ 62-ე მუხლის პირველი პუნქტის, საქართველოს კანონის „საქართველოს ზოგადი ადმინისტრაციული კოდექსი“ 52-ე მუხლის მე-2 ნაწილის, საქართველოს კანონის „საქართველოს ადმინისტრაციული საპროცესო კოდექსი“ 22-ე მუხლის მე-3 ნაწილის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი:ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია ხელმოწერისთანავე.

საკრებულოს თავმჯდომარე

